

РЕЗЮМЕ

Олий таълим муассасаларида инновацион-тадбиркорлик фаолиятини ривожлантиришдаги мавжуд муаммоларни бартараф этиш ушбу муассаса идеал менежерининг инновацион-тадбиркорлик хислатларини баҳолаш методини ишлаб чиқишни тақозо этади. Ушбу мақолада бу баҳолаш методининг хусусиятлари ва уни ишлаб чиқиш йўллари ўз аксини топган. Бу эса олий таълим муассасаларини “Университет-3.0” тизимига трансформациялаш моделини ишлаб чиқишда асосий компонентлардан бири бўлиб хизмат қилади.

РЕЗЮМЕ

Преодоление существующих проблем в развитии инновационной и предпринимательской деятельности в высшем образовании требует разработки методики оценки инновационных и предпринимательских качеств идеального менеджера данного вуза. В этой статье описаны особенности этого метода оценки и способы его развития. Это одна из ключевых составляющих при разработке модели трансформации вуза в систему «Университет-3.0».

SUMMARY

Overcoming the existing problems in the development of innovative and entrepreneurial activities in higher education requires the development of a method for assessing the innovative and entrepreneurial qualities of the ideal manager of this institution. This article describes the features of this evaluation method and ways to develop it. This is one of the key components in the development of a model for the transformation of higher education institutions into the system "University-3.0".

ШАХСНИНГ ЎЗИГА ХОСЛИГИНИНГ ВИЗУАЛ ДИАГНОСТИКАСИ НАТИЖАЛАРИНИ ММРІ МЕТОДИ БИЛАН ҚИЁСІЙ СОЛИШТИРМА ТАҲЛИЛИ

Ф.С.Солиев – катта ўқитувчи

Фарғона давлат университети

Таянч сўзлар: визуал психодиагностика, MINI-MULT, шахс доминантаси, асосий клиник шкала, ёлғон шкаласи, ишончлиликл шкаласи, коррекция шкаласи.

Ключевые слова: визуальная психодиагностика, MINI-MULT, доминанта личности, основная клиническая шкала, шкала лжи, шкала достоверности, шкала коррекции.

Key words: visual psychodiagnostics, MINI-MULT, personality dominance, basic clinical scale, falsehood scale, reliability scale, correction scale.

Профайлинг методининг методологик асоси бўлиб айнан инсонларнинг ноодатий ҳаракатлари, ташқи кўринишидаги баъзи белгилари, ўзларини тутишлари, гапириш оҳанги, темпи ва бошқа хабар берувчи аъзоларнинг ўзига хос хислатлари ҳисобланади. Профайлларнинг ўрганиш объекти сифатида қуйидагиларни эътироф этиш мумкин: мимика, ишоралар, хатти-ҳаракатларнинг ўзига хос хусусиятлари, нутқнинг психолингвистик қонуниятлари, вербал мулоқотнинг паралингвистик аломатлари ва бошқалар.

Юқоридагилардан келиб чиққан ҳолда, тадқиқотимизда профайлингнинг ўрганиш объектини ўзида тўлиқ жамлаган А.Павлов томонидан тақлиф этилган “Шахснинг ўзига хослигининг визуал диагностикаси: 8 доминант асосида” методи қўлланилди.

Тадқиқотда турли касб ва ёшдаги Фарғона вилоятида истиқомат қилувчи 18 ёшдан 62 ёшгача бўлган 308 нафар синалувчи иштирок этди.

А.Павлов томонидан тақлиф этилган “Шахснинг ўзига хослигининг визуал диагностикаси: 8 доминант асосида” методининг кўрсатмасига мувофиқ тадқиқотда объектив кузатиш, суҳбат, интервью методларидан фойдаланилди. Тадқиқот давомида синалувчиларнинг ҳуққ-атворлари уларнинг кийиниши, мимикаси, имо-ишораси, нутқи каби мезонларни кузатиш ва баҳолаш асосида ташкилланди.

Ушбу методика шахснинг ўзига хослигини визуал диагностикаси характер хусусиятлари тўғрисидаги илмий изланишларга асосланади. Доминантларнинг номланиши психиатрияда қўлланиладиган терминлардан олинган бўлиб, шахснинг психик оғишлари ҳақидаги тавсиф берувчи терминларга таянади [5:147].

Методикада 8 доминант (асосий, устун белги) берилган бўлиб, улар қуйидагиларни ташкил этади: паронаял доминант (мақсадга интилувчи), истероид доминант (намоийшкорона), эпилептоид доминант (тутилиб, ушланиб қолувчи), эпилептоид доминант (таъсирчан, кўзгалувчан), шизоид доминант (ғалати, ғайриоддий), гиппертим доминант (ҳаётни севувчи), эмотив доминант (сезгир), хавотир доминант (кўрқок) [2].

Тадқиқотимизнинг кейинги босқичида синалувчиларнинг ҳуққ моделини кузатиш орқали олинган натижаларини, яъни “Шахснинг ўзига хослигини визуал диагносика: 8 доминант” методикасини ишончлилигини аниқлашни мақсад қилган ҳолда Старк Хатуэй, Джон Маккинли томонидан ишлаб чиқилган ММРІ методи билан қиёсий солиштирилди.

Старк Хатуэй, Джон Маккинли ММРІ (инглизча Minnesota Multiphasic Personality Inventori), (Минесота кўп аспекти шахс сўровномаси) АҚШнинг Минесота университети ходимлари томонидан XX асрнинг 30-40 йилларида ишлаб чиқарилган бўлиб, методика шахснинг индивидуал хусусиятлари ва психик ҳолатини тадқиқ этишга мўлжалланган [1].

Методиканинг дастлабки модификациялаштирилган варианты рус психологлари 1967 йилда Ф.В. Березин ва М.П.Мирошникова томонидан 384 тасдиқдан иборат рус тилига мослаштирилган варианты ишлаб чиқилган.

Кейинчалик 1971 йилда Л.Н.Собчак томонидан унинг тўлароқ варианты (566 тасдиқдан иборат) шахсни тадқиқ этишнинг стандартлашган кўп факторли методи (СМИЛ) ишлаб чиқилган [4].

Биз тадқиқотимизда В.П.Зайцев томонидан ишлаб чиқилган MINI-MULT психологик тест вариантдан фойдаландик. Тест асосий клиник шкалалар фойхондрия (Hs), депрессия (D), истерия (Hy), психопатия (Pd), паранояллик (Pa), психастения (Pt), шизоидлик (Se), гипомания (Ma) ва баҳоловчи, ёлғон шкаласи (L), ишончлиликл шкаласи (F), коррекция шкаласи (K) шкалаларидан иборат бўлди [2:118].

“Шахснинг ўзига хослигини визуал диагносика: 8 доминант” методикасида аниқ доминант типларига эга бўлиб чиққан 300 нафар синалувчилар MINI-MULT психологик тест вариантини тадқиқ этишда иштирок этдилар. Тадқиқотнинг биринчи методи аралаш доминант типли синалувчилар иштирок этмадилар.

Ҳар иккала методда берилган шкалалар номланишидаги айнан ўхшашлари 3 та шкалада аниқланди. Улар шизоид, истероид ва паронаял шкалалардир. Қолган шкалалар психологик хусусиятлар ва шахснинг психик ҳолатларидаги реакцияларининг намоён бўлишига қараб топилди.

8-жадвал.

MINI-MULT бўйича асосий клиник шкалалар номланиши	MINI- MULT синалув- чилар сони (X)	8 та доминант бўйича асосий, устун белгининг номланиши	8 та до- минант синалувч илар сони (Y)	X*Y	X ²	Y ²
Гипомания	40	Гиппертим доминант (хаётни севувчи)	30	1200	1600	900
Депрессия	5	Эмотив доминант (сезгир)	4	20	25	16
Ипохондрия	11	Хавотир доминант (қўрқок)	5	55	121	25
Истерия	9	Истероид доминант (намоийшкорона)	7	63	81	49
Паронаял	103	Паронаял доминант (максадга интилувчи)	97	9991	10609	9409
Психастения	32	Эпилептоид доминант (тутилиб, ушланиб қолувчи)	27	864	1024	729
Шизоид	53	Шизоид доминант (ғалати, ғайриоддий)	48	2544	2809	2304
Психопатия	13	Эпилептоид доминант (таъсирчан, қўзғалувчан)	9	117	169	81
Жами	266	227		14854	16438	13513

8-жадвал. MINI-MULT методининг асосий шкалалари ва “Шахснинг ўзига хослигини визуал диагностикаси: 8 доминант асосида” методининг шкалалари ўртасидаги боғлиқлиги.

MINI-MULT методининг асосий шкалалари ва “Шахснинг ўзига хослигини визуал диагностикаси: 8 доминант асосида” методининг шкалалари ўртасидаги боғлиқлиги топиш мақсадида Пирсон корреляциясини ҳисоблаш формуласидан фойдаланилади.

Қарор қабул қилиш: 95% лик ишонч даражасида MINI-MULT методининг асосий шкалалари ва “Шахснинг ўзига хослигини визуал диагностикаси: 8 доминант асосида” методининг шкалалари кўрсаткичлари орасидаги ўзаро боғлиқлик мавжуд. ($r=0.99703$; $p<0.001$).

А.Павлов томонидан таклиф этилган “Шахснинг ўзига хослигини визуал диагностикаси: 8 доминант асосида” методи ва В.П.Зайцев томонидан ишлаб чиқилган MINI-MULT психологик тест варианты натижаларининг қиёсий солиштирмаси шуни кўрсатадики, визуал диагностика билан тест методикаси ўртасидаги фарқ 22,93 %ни ташкил қилиб,

тўғри топилган шахс типлари 77,07 % ни ташкил этди. Жинслар ўртасидаги тўғри баҳолаш ўртасидаги фарқ 6.6 % ни ташкил этди. Эракларга нисбатан аёлларни визуал тарзда баҳолаш маълум даражада енгил эканлиги исботланди.

Визуал психодиагностика методини амалий қўллаш мумкинлиги натижалар асосида тасдиқлади. Шу тариқа визуал метод ёрдамида шахснинг характер хусусияти, унинг психотиби ва хулқ моделини аниқлаш мумкинлиги исботланди.

Визуал методнинг афзалликлари тўхталадиган бўлсак, унинг ёрдамида психологик тестларсиз шахснинг аналог ва белгили сигналлари, яъни мимика, имо-ишора, кийиниш имиджи, нутқидаги иборалар ва шахслараро муносабатларда эгаллаган позициясини кузатиш орқали шахс хулқ моделини аниқлаш имконини беради. Шахснинг хулқ модели эса, унинг характер акцентуацияларини ва психотипини намоён қилади. Шунингдек, тезкор психологик таххис қўйиш имконини беради. Бу эса, турли ижтимоий соҳаларда жумладан, кадрлар танлашга, жиноятчини аниқлашга, раҳбар ва ходим ўртасидаги муносабатларни самарали ташкил этишга ёрдам беради.

Адабиётлар

1. Березин Ф.В., Мирошкинов М.П., Соколова Е.Д., Методика многостороннего исследования личности (ММИЛ) структура, основы интерпретации, некоторые области применения. 3-издание. Издательство “Березин Феликс Борисович”, 2011. - С.320
2. Зайцев В.П. Вариант психологического теста MINI-MULT. –психологический журнал, 1981, №3, -С. 118-223
3. Павлов А. Визуальная диагностика особенностей личности: 8 доминант. 2014. diplus.ru
4. Солиев Ф. Замонавий шахс психотипини аниқлашда профайлинг методидан фойдаланиб, таъсир доирасини кучайтириш усуллари. XXI асрда психологик саломатлик: муаммо ва ечимлар. Республика илмий-амалий анжумани. –Фарғона: 2017.
5. Солиев Ф. Шахс характер акцентуациясини визуал психодиагностик методлар ёрдамида аниқлашнинг ўзига хос томонлари. Самарканд давлат университети илмий ахборотномаси. –Самарканд: 2020 №2. 145-150-б.

РЕЗЮМЕ

Мақолада шахснинг ўзига хослигини визуал диагностика орқали аниқланган доминантлари В.П.Зайцев томонидан ишлаб чиқилган MINI-MULT психологик тест варианты асосида қўлга киритилган асосий клиник шкалалар билан қиёсий таққослаш натижалари таҳлил этилган. Шунингдек, визуал метод ёрдамида шахснинг характер хусусияти, унинг психотиби ва хулқ моделини аниқлаш мумкинлиги ёритилган.

РЕЗЮМЕ

В статье проанализированы результаты сопоставительного сравнения доминант, установленных путём визуальной диагностики особенностей личности, с основными клиническими шкалами, полученными на основе разработанного Зайцевым В.П. варианта психологического теста MINI-MULT. В нем также освещена возможность определения черт характера личности, его психотип и модель поведения с помощью визуального метода.

SUMMARY

The article analyzes the results of a comparative comparison with the main clinical scales obtained on the basis of the MINI-MULT psychological test variant developed by V.P. Zeytsev, whose dominance of personality traits determined by visual diagnostics. It is also possible to determine the character traits of a person, his psychotype and pattern of behavior using the visual method.